

Ақтөбе облысының әкімдігі

Ақтөбе облысының әкімиятының
2003 жылғы 4 мамырдағы N 108
қаулысы. Ақтөбе облыстық Әділет
басқармасында 2003 жылғы 22
мамырда N 2174 тіркелді. Күші
жойылды - Ақтөбе облысы
әкімдігінің 2011 жылғы 6
қыркүйектегі № 279 қаулысымен

Акимат Актюбинской области

Мүлікті есептен шығарудың тәртібі жөніндегі Нұсқаулықты бекіту туралы.

*Ескерту. Күші жойылды - Ақтөбе облысы әкімдігінің 2011.09.06 № 279
Қаулысымен.*

"Қазақстан Республикасындағы жергілікті мемлекеттік басқару туралы"
Қазақстан Республикасының 2001 жылғы 23 қаңтардағы Заңының 27
бабына сәйкес облыс әкімияты **ҚАУЛЫ ЕТЕДІ:**

1. Ақтөбе облысында мемлекеттік коммуналдық мекемелер мен мемлекеттік
коммуналдық кәсіпорындарға бекітілген мүлікті есептен шығарудың тәртібі
жөніндегі қоса беріліп отырған Нұсқаулық бекітілсін.

2. "Ақтөбе облысының қаржы басқармасы" ММ (С. Еңсегенұлы) осы
қаулыдан туындайтын шараларды қабылдасын.

*Ескерту. Қаулының 2 тармағы жаңа редакцияда - Ақтөбе облысының
әкімиятының 2008.07.08 N 243 қаулысымен.*

3. Осы қаулының орындалуын бақылау облыс Әкімінің орынбасары М.
Серікбаевқа жүктелсін.

*Ескерту. Қаулының 3 тармағына өзгерту енгізілді - Ақтөбе облысының
әкімиятының 2008.07.08 N 243 қаулысымен.*

Облыс әкімі



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

Облыс әкімиятының
2003 жылғы 4 мамырда N 108
қаулысымен бекітілді

**Ақтөбе облысының коммуналдық мемлекеттік
кәсіпорындар мен коммуналдық мемлекеттік мекемелерге бекітілген мүлкті
есептен шығару туралы
НҰСҚАУЛЫҚ**

1. Жалпы ережелер

1. Осы Нұсқаулық табиғи немесе сапалық тозуының салдарынан, табиғи апаттар мен авариялардың нәтижесінде жарамсыздыққа келген коммуналдық мемлекеттік кәсіпорындар (бұдан әрі - мемлекеттік кәсіпорындар) мен коммуналдық мемлекеттік мекемелерге (бұдан әрі - мемлекеттік мекемелер) бекітілген мүлкті есептен шығару тәртібін анықтайды.

2. Нұсқаулық - коммуналдық мемлекеттік кәсіпорындар мен коммуналдық мемлекеттік мекемелерінің негізгі құрал-жабдықтарына (активтеріне) жататын мүлікке таратылады.

3. Мемлекеттік кәсіпорындар мен мемлекеттік мекемелердің мүлкін есептен шығаруға қажетті құжаттаманы ресімдеу осы Нұсқаулықтың 10-тармағында белгіленген шарттарды ескере отырып осы Нұсқаулықтың 4-тармағына сәйкес құрылатын Комиссия тұжырымының негізінде жүзеге асырылады.

4. Комиссия мемлекеттік кәсіпорын немесе мемлекеттік мекеме басшысының бұйрығымен құрылады.

Мемлекеттік кәсіпорында құрылатын комиссияның құрамына міндетті түрде:

мемлекеттік кәсіпорынның бас инженері немесе басшысының орынбасары (Комиссияның төрағасы);

бас бухгалтер немесе оның орынбасары;

мүлктің сақталуына жауапкершілік жүктелген тұлғалар енгізіледі.

Мемлекеттік мекемелерде құрылатын комиссияның құрамына міндетті түрде:

мемлекеттік мекеме басшысының орынбасары (Комиссияның төрағасы);

бухгалтер лауазымы болмаған жағдайда - бас бухгалтер немесе оның орынбасары (штат кестесі бойынша бас бухгалтер лауазымы болмаған жағдайда - бас бухгалтерлік есеп жүргізу жүктелген тұлғалар);

мүліктің сақталуына жауапкершілік жүктелген тұлғалар енгізіледі.

Мүліктің жекелеген түрлерін есептен шығаруда Комиссия құрамына тиісті мамандар (сарапшылар) енгізіледі.

2. Мүлікті есептен шығару тәртібі

5. Табиғи және сапалы тозудың салдарынан, қызметінің белгіленген мерзімдері өтелгеннен кейін, дүлей апаттар мен авариялардың нәтижесінде өндірістік мәнін толығымен жоғалтқан, егер оны қалпына келтіру экономикалық жағынан орынсыз немесе мүмкін емес болған мүлік мемлекеттік кәсіпорындар мен мемлекеттік мекемелердің балансынан шығарылады.

6. Мемлекеттік кәсіпорындардың мүлкін есептен шығару:

100 пайыз тозғанда - мемлекеттік кәсіпорынның шешімі бойынша мемлекеттік басқару органымен келісілген;

50 пайыздан артық тозғанда және (немесе) баланстық құны 1000 еселенген ең төмен есепті көрсеткіштен артық емес болғанда - мемлекеттік басқару органымен келісім бойынша және облыстың қаржы басқармасы (бұдан әрі - Басқарма) жазбаша рұқсатынан кейін жүзеге асырылады;

баланстық құны 1000 еселенген ең төмен есепті көрсеткіштен артық болғанда - мемлекеттік басқару органымен келісім бойынша және Басқарманың жазбаша рұқсатынан кейін жүзеге асырылады.

Ескерту. Нұсқаулықтың 6 тармағына өзгерту енгізілді - Ақтөбе облысының әкімиятының 2008.07.08 N 243 қаулысымен.

7. Жергілікті атқарушы мемлекеттік орган болып табылатын мемлекеттік мекемелердің мүлкін есептен шығару Басқармамен келісу арқылы жүзеге асырылады.

8. Жергілікті бюджет есебінен ұсталатын және мемлекеттік органдар емес мемлекеттік мекемелер мүлкін есептен шығару мемлекеттік басқару органдарымен және Басқармамен келісу бойынша іске асырылады.

9. Комиссия техникалық құжаттаманы, сонымен қатар бухгалтерлік есеп мәліметтерін қолдана отырып, есептен шығаруға жататын мүлікті тексеріп қарайды және оның қайта қалпына келтіру және одан әрі қолдануға жарамсыздығын анықтайды, осы Нұсқаулықтың 5 тармағында көрсетілген есепке шығарылудың себептерін айқындайды, есепке шығарылып отырған мүліктің жекелеген түйіндері, бөлшектері, материалдарын қолдану мүмкіндігін анықтайды, оларды бағалайды, мүліктің мерзімінен бұрын қолданыстан шығарылуына айыпты болған тұлғаларды анықтайды және акт жасайды. Комиссияның қызметі арнайы білімдерді қажет еткен жағдайда, оның құрамына тиісті мамандарды (сарапшыларды) енгізеді.

Есептен шығару актілері бекітілгенге дейін мүлікті ажырату мен бөлшектеуге рұқсат етілмейді.

Мүлікті жоюдан алынған барлық бөлшек, торап, қосалқы бөлшек, материал және өзге материалдық құндылықтар (бұдан әрі - материалдар) үш топқа бөлінеді:

Бірінші топ - тікелей қызметі бойынша олардың болжамалы пайдалануының бағасы бойынша бухгалтерлік есептің тиісті шоттар кірісіне алынуға міндетті одан әрі қолдануға жарамды материалдар.

Екінші топ - қайталама шикізат ретінде (қара, түсті және асыл металдар, көнерген материал, отын және т.б.) кіріске алынатын тікелей қызметі бойынша одан әрі қолдануға жарамсыз материалдар.

Үшінші топ - одан әрі қолдануға жарамсыз материалдар. Осы топтың материалдары жойылуға жатады, бұл туралы акт жасалады.

10. Мемлекеттік кәсіпорындар мен мемлекеттік мекемелердің мүлкін осы Нұсқаулықтың 5-тармағында көрсетілген себептердің салдарынан есептен шығару белгіленген формалардың актілерімен 3 данада ресімделеді.

11. Комиссия 3-данада жасаған мемлекеттік кәсіпорындар мен мемлекеттік мекемелердің мүлкін есептен шығару актілері осы Нұсқаулықтың 6, 7, 8, 9 тармақтарына сәйкес құжаттардың мына тізімімен:

- 1) Комиссия хаттамасы;
- 2) авария жағдайында - тиісті лауазымды тұлға жасаған және бекіткен уақиға актісінің көшірмесімен мемлекеттік басқару органдарына келісуге жіберіледі;
- 3) комиссия құру туралы бұйрық;
- 4) басшының және бас бухгалтердің қолдары қойылған баланстық құны туралы анықтама қағаз (бастапқы, тозу және қалдық құндарын көрсете отырып);
- 5) комиссия мүшелері қол қойған ақау актісі;
- 6) сыртқы бетінен мекеме басшысының немесе бас бухгалтердің қолдарымен және мекеме мөрімен бекітілген, есептен шығарылатын мүліктің суреттері;
- 7) мүлікке меншік құқығын растайтын техникалық паспорттың және құжаттың көшірмесі;
- 8) мүліктің техникалық жай - күйі туралы арнайы мекеме берген қорытынды.

Мемлекеттік басқару органдарымен келісілген есептен шығару құжаттары тиісінше Басқармаға жазбаша рұқсат алу үшін жіберіледі.

Ескерту. Нұсқаулықтың 11 тармағы 3) - 8) тармақшаларымен толықтырылды - Ақтөбе облысының әкімиятының 2008.07.08 N 243 қаулысымен.

12. Мемлекеттік мекеме мен мемлекеттік кәсіпорынның мүлкін есептен шығару актілері келісілген жағдайда жоғарғы сол жақ бұрышта "Келісілді" деген белгі, күні, тиісті мемлекеттік басқару органының мөрімен бекітілген басшының қолы қойылады.

Актінің, комиссия хаттамасының (уақиға актісінің көшірмесінің) бір данасы тиісті уәкілетті органда қалады, қалған екеуі - мемлекеттік кәсіпорын немесе мемлекеттік мекемеге беріледі.

13. Келісілмеген жағдайда, мүлікті есептен шығарудан бас тарту дәлелденуімен құжаттардың пакеті мемлекеттік кәсіпорын немесе мемлекеттік мекемеге қайтарылады.

3. Қорытынды ережелер

15. Есептен шығарудың қолданылып жүрген тәртібі бұзылған жағдайда бұған айыпты тұлғалар Қазақстан Республикасының заңнамасымен белгіленген жауапкершілікке тартылады.

16. Осы Нұсқаулықпен реттелмеген мәселелер Қазақстан Республикасының қолданылып жүрген заңнамасына сәйкес шешіледі.

Күші жойылған